

Izješće Zavoda za zaštitu spomenika sa terenskih posjeta za period od 20. do 24. 10. 2025. godine

21.10. 2025.			Centralna banka BiH – Rasvjeta
--------------	--	--	--------------------------------

Centralna banka Bosne i Hercegovine dostavila je Zavodu za zaštitu spomenika zahtjev za davanje stručnog mišljenja na projektnu dokumentaciju „Izvedbeni projekat rekonstrukcije iluminacije u auli (holu) objekta Centralnog ureda CBBiH“, koji je uradila projektna kuća „IPSA“ d.o.o. Sarajevo.

Povijesna građevina – zgrada Narodne (Centralne) banke u Sarajevu s pokretnom imovinom, proglašana je 2009. godine nacionalnim spomenikom Bosne i Hercegovine. Na nacionalne spomenike primjenjuju se mjere zaštite utvrđene Zakonom o provođenju odluka Povjerenstva za zaštitu nacionalnih spomenika uspostavljene prema Aneksu 8 Općeg okvirnog sporazuma za mir u Bosni i Hercegovini („Službene novine Federacije BiH” br. 2/02, 27/02, 6/04 i 51/07).

Pregledom dostavljene dokumentacije utvrđeno je da su predviđeni radovi izmjene (rekonstrukcije) rasvjetnih tijela iznad vijenca u holu Centralne banke. U dostavljenoj dokumentaciji nije prikazano postojeće stanje, izgled postojećih rasvjetnih tijela kao i fotodokumentacija predmetnog prostora prije intervencija.

Neophodno je dopuniti projektnu dokumentaciju kako bi Zavod za zaštitu spomenika mogao dati stručno mišljenje.

21.10.2025.			Centralna banka BiH – Epoksi podovi
-------------	--	--	-------------------------------------

Zavodu za zaštitu spomenika dostavljen je zahtjev Centralne banke Bosne i Hercegovine za davanje stručnog mišljenja na projektnu dokumentaciju „Izvedbeni projekt za sanaciju epoksidnih podova u suterenu objekta Centralnog ureda Centralne banke BiH u ulici Maršala Tita 25 u Sarajevu.

Povijesna građevina – zgrada Narodne (Centralne) banke u Sarajevu s pokretnom imovinom, nacionalnim spomenikom Bosne i Hercegovine proglašena je 2009. godine. Na nacionalne spomenike primjenjuju se mjere zaštite utvrđene Zakonom o provođenju odluka Komisije za zaštitu nacionalnih spomenika uspostavljene prema Aneksu 8 Općeg okvirnog sporazuma za mir u Bosni i Hercegovini („Službene novine Federacije BiH” br. 2/02, 27/02, 6/04 i 51/07).

Pregledom dostavljene dokumentacije utvrđeno je da su predviđeni radovi sanacije završne obrade podova u prizemlju objekta Centralne banke u trezorskom prostoru. Također, utvrđeno je da je predviđena sanacija tehnologijom i materijalom u skladu sa

zahtjevima struke. Radove na sanaciji oštećenih betonskih podloga potrebno je izvoditi uz stalan nadzor i u prisustvu ovlaštenih osoba investitora.

Investitor je obavezan pridržavati se cjelokupne, zakonom propisane regulative, pri odabiru izvođača i organizaciji gradilišta.

Izvođač je dužan izvijestiti Zavod za zaštitu spomenika o točnom početku izvođenja predmetnih radova, kako bi se izvršio pravovremen stručni nadzor, zakonske obveza Zavoda. Određivanje završnog kolorita objekta bit će urađeno u suradnji projektanta, nadzornog organa i stručnog tima Zavoda za zaštitu spomenika.

23.10.2025.			Sime Milutinovića broj 15 – Sarajevo
-------------	--	--	--------------------------------------

Zavodu za zaštitu spomenika obratila se Služba za urbanizam, prostorno planiranje i zaštitu okoliša Općine Stari Grad Sarajevo sa zahtjevom za izdavanje odobrenja za postavljanje svjetleće konzolne reklame u ulici Sime Milutinovića broj 15.

Uvidom u dostavljenu dokumentaciju i uvidom na licu mjesta utvrđeno je da predmetni objekt pripada obuhvatu nacionalnog spomenika BiH pod nazivom *Historijski urbani krajolik Sarajevo* («Službeni glasnik BiH», broj 1/21 i 10/21), na koji se primjenjuju mjere zaštite koje su utvrđene Zakonom o provedbi odluka Komisije za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini («Službene novine Federacije BiH», br: 2/02, 8/02, 27/02, 6/04 i 51/07).

Pregledom dostavljene dokumentacije i uvidom na licu mjesta, Zavod za zaštitu spomenika smatra da se može odobriti postavljanje jedne konzolne svjetleće reklame.

Ovo stručno mišljenje odnosi se na aspekt kulturno-povijesnog naslijeđa i vrijedi do isteka roka danog od Općine ili do donošenja *Pravilnika sa smjernicama za postavljanje reklama u Historijskom urbanom krajoliku Sarajevo*. Investitor je dužan sve ugovorene obveze izmiriti nadležnoj službi Općine Stari Grad Sarajevo.